

Broj: 01-11-10-05385-6/2022
Sarajevo, 14.11.2022. godine

Na osnovu člana 64. stav (1) tačka b), člana 70. st. (1), (3) i (6) Zakona o javnim nabavkama Bosne i Hercegovine („Službeni glasnik BiH“, br. 39/14 i 59/22), te člana 9. Pravilnika o uslovima i načinu korištenja e-aukcije („Službeni glasnik BiH“, broj 66/16), nakon razmatranja preporuke Komisije za javne nabavke broj 01-11-10-05385-5/2022 od 11.11.2022. godine za dodjelu ugovora o javnoj nabavci roba–kancelarijski namještaj po provedenom postupku konkurentskog zahtjeva za dostavljanje ponuda uz primjenu e-aukcije, Direktor Federalne uprave za inspeksijske poslove u ime ugovornog organa, donosi,

O D L U K U

o dodjeli ugovora za nabavku roba- kancelarijski namještaj

Član 1.

Prihvata se ponuda ponuđača „Hafele“ d.o.o. Gračanica broj 72/KH od 21.10.2022. godine, te se ugovor o nabavci roba-kancelarijski namještaj dodjeljuje navedenom ponuđaču pod slijedećim uslovima:

- cijena: 15.200,00 KM bez PDV-a, odnosno 17.807,40 KM sa uračunatim PDV-om
- rok isporuke: 15 dana od dana prijema narudžbenice
- mjesto izvršenja ugovora: sjedište ugovornog organa u Sarajevu, u ulici Fehima ef. Čurčića broj 6
- rok plaćanja: 30 dana od dana isporuke u skladu sa budžetskim načinom plaćanja.

Član 2.

Ponuđač „Hafele“ d.o.o. Gračanica je dužan u roku od 5 (pet) dana od dana prijema ove odluke dostaviti uvjerenja nadležnih organa shodno odredbama člana 45. stav (2) t. a), c) i d).

Dokazi iz sliava 1. ovog člana se dostavljaju kao original ili ovjerena kopija i moraju sadržavati potvrdu da je ponuđač u momentu predaje ponude ispunjavao uslove na koje se odnose isti, te će u slučaju da u ostavljenom roku ne dostavi tražene dokaze ili iste ne dostavi na način i u formi kako je to traženo ovim članom biti isključen iz daljeg učešća u postupku zbog neispunjavanja uslova za kvalifikaciju.

Član 3.

Ova odluka će se objaviti na web stranici Federalne uprave za inspeksijske poslove.

O b r a z l o ž e n j e

Odlukom direktora uprave broj 01-11-10-05385/2022 od 7.10.2022. godine je pokrenut postupak nabavke roba – kancelarijski namještaj putem konkurentskog zahtjeva za dostavljanje ponuda uz primjenu e-aukcije. Sredstva za nabavku predmetnih roba su predviđena Planom nabavki za 2022. godinu – robe r.b. 10. u iznosu od 14.500,00 KM.

Dana 11.10.2022. godine izvršeno je objavljivanje obavještenja o nabavci na Portalu javnih nabavki, broj obavještenja 1292-7-1-25-3-22/22.

U terminu utvrđenom obavještenjem o javnoj nabavci i tenderskoj dokumentaciji dana 28.6.2022. godine izvršeno je javno otvaranje blagovremeno pristiglih ponuda, kojom prilikom je konstatovano da su ponude dostavili ponuđači, sa ukupnim pročitanim cijenama datim u slijedećoj tabeli:

Naziv/ime ponuđača	Ukupna cijena ponude bez PDV-a	Ponuđeni popust
„Hafele“ d.o.o. Gračanica	17.730,00 KM	Ne
„Inter-com“ d.o.o. Zenica	15.240,00 KM	Ne

Javnom otvaranju ponuda nisu prisustvovali predstavnici ponuđača, niti druga zainteresovana lica.

Nakon javnog otvaranja ponuda Komisija je izvršila provjeru kompletnosti i ispravnosti istih, na način da su provjeravani način uvezivanja, primjena propisane forme dokumenata koji su sastavni dio ponuda, validnosti ponuda, potpis ponude i ovjera, te je izvršen pregled i provjera obrazaca i drugih dokumenata.

Pregledom i analizom dokumentacije koju su dostavili ponuđači, a koja je propisana u tenderskoj dokumentaciji Komisija je utvrdila da su oba ponuđača dostavila traženu dokumentaciju.

U daljem toku postupka komisija je vršila uvid u ponude u smislu da li ponuđene robe odgovaraju zahtjevima Ugovornog organa utvrđenim u tehničkim specifikacijama, te je tom prilikom konstatovala da ponuđači nisu dostavili dokumentaciju (slike, kataloge...) iz koje bi bilo vidljivo kakve robe se nude.

Međutim, uvidom u tendersku dokumentaciju komisija je konstatovala da u istoj nije ni traženo dostavljanje pomenutih materijala, pa slijedom toga ponuđači nisu bili obavezni iste ni dostaviti. S tim u vezi, komisija je jednoglasno zaključila da je potrebno prije zakazivanja e-aukcije od ponuđača tražiti kataloge i slike ponuđenih roba, a radi pojašnjenja dostavljenih ponuda.

Komisija je shodno prednjem zaključku uputila ponuđačima akt broj 01-11-10-05385-4/2022 od 31.10.2022. godine kojim je od istih traženo dostavljanje slika i kataloga ponuđenih roba, a u cilju pojašnjenja dostavljenih ponuda.

U ostavljenom roku su oba ponuđača dostavili tražene fotografije, u koje je izvršen uvid i zaključeno da ponuđene robe odgovaraju postavljenim zahtjevima iz tenderske dokumentacije. Nakon toga je utvrđen termin za e-aukciju, koja je zakazana za dan 10.11.2022. godine sa početkom u 12,00 sati.

Uvidom u izvještaj o toku i završetku e-aukcije utvrđeno je da je ista trajala do 12,10 sati i da je ista uspješno provedena.

Iz izvještaja proizilazi da je samo ponuđač „Hafele“ d.o.o. Gračanica u postupku e-aukcije izvršio umanjeње ponuđene cijene, odnosno da je tražene robe ponudio po cijeni od 15.220,00 KM, što predstavlja umanjeње u od 14,16% u odnosu na prvobitno ponuđenu cijenu od 17.730,00 KM.

Slijedom gore navedenog, utvrđen je konačni poredak ponuda, kako slijedi:

Naziv /ime ponuđača	Cijena sa otvaranja (sa PDV-om)	Evaluirana cijena (KM)	Umanjenje cijene u %	Rang
„Hafele“ d.o.o. Gračanica	17.730,00 KM	15.220,00 KM	14,16 %	1
„Inter-com“ d.o.o. Zenica	15.240,00 KM	15.240,00 KM	0 %	2

Imajući u vidu sve naprijed navedeno, Komisija je konstatovala da je u skladu sa kriterijem „najniža cijena“ ponuda ponuđača „Hafele“ d.o.o. Gračanica za nabavku roba – kancelarijski namještaj prihvatljiva, te je Direktor Federalne uprave za inspekcijske poslove dostavila preporuku kojom je predloženo da u ime ugovornog organa donese odluku kojom će ugovor dodijeliti navedenom ponuđaču.

Prilikom razmatranja dostavljene preporuke Direktor Federalne uprave za inspekcijske poslove nije našao razloge, nepravilnosti niti propuste u radu koji bi eventualno predstavljali osnov za neprihvatanje preporuke komisije za javne nabavke, te je odlučio kao u dispozitivu.

Pouka o pravnom lijeku: Protiv ove odluke može se uložiti žalba ugovornom organu u roku od 5 (pet) dana od dana prijema iste.



Dostaviti:

1. „Inter-com“ d.o.o. Zenica, Vrandučka 71b, 72000 Zenica
2. „Hafele“ d.o.o. Gračanica, 75329 Miričina, Gračanica
3. Sektor za materijalno-finansijske i tehničke poslove
4. Sektor za tehničku podršku i plansko-analitičke poslove
5. Komsija za javne nabavke (a/a).